

宣和奉使高麗圖經



宣和奉使高麗圖經序

臣聞天子元正大朝會畢列四海圖籍於庭而王公侯伯萬國輻輳此皆有以揆之故有司所藏嚴密特甚而使者之職尤以是爲急在昔成周職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民周知其利害而行人之官絡驛道路若慶賀犒餼之類凡五物之故莫不有治若康樂厄貧之類凡五物之辨莫不有書用以復命於王俾得以周知天下之故外史書之以爲四方之志司徒集之以爲土

高麗圖經序

一知不足齋叢書

地之圖誦訓道之以詔觀事土訓道之以詔地事此所以一人之尊深居高拱於九重而察四方萬里之遠如指諸掌當沛公初入關蕭何獨收秦圖書及天下已定而漢盡得知其阨塞戶口者繫何之功隋長孫晟之至突厥每游獵輒記其國土委曲歸表聞於文帝口陳形勢手畫山川卒以展異日之效然則乘輜軒而使邦國者其於圖籍固所先務矧惟高麗在遼東非若侯甸近服可以朝下令而夕來上故圖籍之作尤爲難也皇帝天德地業畢朝萬國乃眷高麗被遇神考益加懷徠遴

擇在廷將命撫賜恩隆禮厚前未之有時給事中臣允迪以通經之才超世之文取甲科著宿望中書舍人臣墨卿學問高明見於踐履恪守忠孝臨事不回竝命而行非獨其執節專對不減古人之虜使而風采聞望自足以壯朝廷之威靈聳外夷之觀聽拜命未行會聞王侯薨遂以奠慰之禮兼往臣愚猥承人乏獲聯使屬之末事之大者固從其長而區區得以專達者又不足以補報朝廷器使之萬一退而自訟曰周爰咨詢歌於皇華之詩則徧問以事正使者之職謹因耳目所及博采

高麗圖經序

二知不足齋叢書

衆說簡汰其同於中國者而取其異焉凡三百餘條釐爲四十卷物圖其形事爲之說名曰宣和奉使高麗圖經臣嘗觀崇寧中王雲所撰鷄林志始疏其說而未圖其形比者使行取以稽考爲補已多今臣所著圖經手披目覽而遐陬異域舉萃於前蓋倣聚米之遺制也雖然昔漢張騫出使月氏十有三年而後歸僅能言其所歷之國地形物產而已臣愚雖才不逮前人然在高麗纔及月餘授館之後則守以兵衛凡出館不過五六而驅馳車馬之間獻酬尊俎之上耳目所及非若十三載

之久亦粗能得其建國立政之體風俗事物之宜使不
逃乎繪畫紀次之列非敢矜博洽飾浮剽以塵冕旒之
聽蓋撫其事實以復於朝庶少道將命之責也有詔上
之御府謹掇其大槩爲之序云

宣和六年八月六日奉議郎充奉使高麗國信所提轄
人船禮物賜緋魚袋臣徐兢謹序

仲父旣以書上御府其副藏家靖康丁未春里人
徐周賓借觀未歸而寇至失書所在後十年家君
漕江西弭節於洪仲父來省或謂郡有北醫上宜

高麗圖經序

三知不足齋叢書

生實獲此書亟訪之其無恙者特海道二卷耳仲
父嘗爲葺言世傳予書往往圖亡而經存余追畫
之無難也然不果就嘻蓋棺事乃已矣姑刻是畱
澂江郡齋來者尙有考焉乾道三年夏至日左朝
奉郎權發遣江陰軍主管學事徐葺書

宣和奉使高麗圖經目錄

第一卷

建國

第二卷

世次

第三卷

城邑

第四卷

門闕

高麗圖經目錄

第五卷

宮殿

第六卷

宮殿

第七卷

冠服

第八卷

人物

第九卷

儀物

第十卷

儀物

第十一卷

仗衛

第十二卷

仗衛

第十三卷

兵器

高麗圖經目錄

第十四卷

旗幟

第十五卷

車馬

第十六卷

官府

第十七卷

祠宇

第十八卷

二知不足齋叢書

道教

釋氏

第十九卷

民庶

第二十卷

婦人

第二十一卷

阜隸

第二十二卷

禮圖經目錄

雜俗

第二十三卷

雜俗二

第二十四卷

節仗

第二十五卷

受詔

第二十六卷

燕禮

三知不足齋叢書

第二十七卷

館舍

第二十八卷

供帳一

第二十九卷

供帳二

第三十卷

器皿一

第三十一卷

高麗圖經目錄

四知不足齋叢書

器皿二

第三十二卷

器皿三

第三十三卷

舟楫

第三十四卷

海道一

第三十五卷

海道二

第三十六卷

海道 三

第三十七卷

海道 四

第三十八卷

海道 五

第三十九卷

海道 六

第四十卷

高麗圖經目錄

同文

五知不足齋叢書

宣和奉使高麗圖經目錄

宣和奉使高麗圖經卷第一

建國

臣聞蠻夷君長類以詐力自尊殊名詭號單于可汗無足稱者獨高麗自箕子之封以德取俟後世稍衰他姓亦用漢爵代居其位上有常尊下有等衰故襲國傳世頗可紀錄今謹稽諸史敘其歷代之王作建國記云

始封

高麗之先蓋周武王封箕子胥餘於朝鮮實子姓也歷周秦至漢高祖十二年燕人衛滿亡命聚黨椎結服役

高麗圖經卷一

一知不足齋叢書

蠻夷浸有朝鮮之地而王之自子姓有國八百餘年而為衛氏衛氏有國八十餘年先是夫餘王得河神之女為日所照感孕而卵生既長善射俗稱善射為朱蒙因以名之夫餘人以其生異謂之不祥請除之朱蒙懼逃焉遇大水無梁勢不能渡因持弓擊水而咒之魚鱉竝

因乘以濟至紇升骨城而居自號曰高句驪因以高

句而以高驪

鄭刻為國凡有五部曰消奴部

鄭刻下各部各字 絕奴部順奴部灌奴部桂婁部漢武帝滅朝鮮以

高麗為縣屬元菟郡其君長賜之鼓吹伎人常從郡受

朝服衣幘縣令主其名籍後稍驕不復言

小城歲時受之因名幘溝濶溝濶者高麗名城也於是

始稱為鄭刻無為字王焉王莽發其兵以誅匈奴不至降王

為侯而麗人益寇邊光武中興麗遣邊吏建始八年遣

使來朝因復王號列為外藩安帝以後部眾滋熾雖少

鈔暴旋即賓服初消奴為王既衰而桂婁代之至王宮

生而鬪目能視國人惡之及長壯勇和帝時頻掠遼東

傳至王伯固伯固死有二子長曰拔奇鄭刻有不肖者字

曰伊夷模國人立焉漢末公孫康擊破伊夷模於其國

高麗圖經卷一

二知不足齋叢書

九都山下國人共立其子位宮位宮亦有勇力好鞍馬

以其祖宮生而能視今王亦然句驪謂相似為位故名

鄭刻有曰字位宮魏將母丘儉屠之追至肅今上御名。刻

石紀功而還位宮五世孫劉晉永嘉中與遼西鮮卑慕

容鹿鄰鹿不能制康帝建元初鹿子鮑帥師伐之大敗

後為百濟所滅其後慕容寶以其王高安為平州牧安

孫璉義熙中遣長史孫翼獻赭白馬以為營州牧高麗

王樂浪郡公璉七世孫元隋文帝時率靺鞨寇遼東唐

太宗時其東部大人蓋蘇文賊虐不道帝親征之威震

遼海高宗又命李勣討平之俘其王高藏裂地而爲郡
縣建安東都護府於平壤城以兵鎮守後武后遣將擊
殺其主乞昆羽而立其主乞仲象亦病死仲象子祚榮
立因有其衆四十萬據於桂婁臣於唐中宗時乃置忽
汗州以祚榮爲都督渤海郡王其後遂號渤海初藏之
俘也其酋長有劍牟岑者立藏外孫舜爲王又命高倬
討平之都護府旣屢遷舊城頗入新羅遺民散奔突厥
靺鞨高氏旣絕久而稍復至唐末遂王其國後唐同光
元年遣使來朝國王姓氏史失不載長興二年王建權

高麗圖經卷一

三知不足齋叢書

知國事遣使入貢遂受爵以有國云

宣和奉使高麗圖經卷第一